



dato 08.06.2026

Inatsisartut Suleriaasianni § 37, imm. 1 naapertorlugu apeqquitiit tulliuuttut Naalakkersuisunut apeqqutigaakka.

Apeqqutit:

- 1. Dronning Ingridip napparsimavissuani asaasutut sulisut arlallit erseqqinnerusumik tunngavilersorneqanngitsumik soraarsinneqarnerat, kingornalu suliani taakkunani nunani allamiunik sulisartunik atorfinitsitsisoqarsimanagera ilumoortuunersoq Naalakkersuisunit nassuiarneqarsinnaava?**

Naalakkersuisup makku ilisimatitsissutigissagai qinnutigineqarpoq:

- a) Sulisut qassit soraarsinneqarpat?**
- b) Soraarsitsinernut suut tunngavilersuutigineqarsimappat?**
- c) Kingorna atorfinni taakkunani sulisartunik nunanit allameersunit atorfinitsitsisoqarsimava?**
Peqqinnissaqarnermut immikkoortumi sulisunut nunaqavissunut sulinermit atugassarititaasut pitsaasunik ersarissunillu atugassaqartitsinissaq qanoq qulakkeerneqassava?

- 2. Atorfinitsitsisarnermut periutsimut nutaamut, pilersaarutit malillugit septembarimi atuutilersussami, tassani atorfinitsitsisartoqatigiit Danmarkimeersut Kalaallit Nunaanni Peqqinnissaqarfimmi peqqinnissamik sulisunik ilapituissapput. Qanoq ililluni peqqinnissaqarfimmi sulisut aalajangersimasut pitsaasunik atugassaqarnissaat qulakkeerneqassanersoq Naalakkersuisup nassuiaatigisinnaavaa?**

Naalakkersuisup ilanngullugu makku ilisimatitsissutigissagai qinnutigineqarpoq:

- a) Aaqqissuussineq pillugu nakorsat sygeplejerskillu aalajangersimasumik atorfeqartut aaqqissuussineq pillugu aarleqquteqarnerat Naalakkersuisup ilisimavaa?**
- b) Sulisut aalajangersimasumik atorfeqartut piffissami sivikitsumi taartaasartunik atorfinitsitsinernut atatillugu annertunerujussuarmik ilinniartitsinermik suliakkersorneqarnissaat qanoq pinngitsoortinniarneqarpa?**
- c) Taartaasartut tikittut aningaasarsiatigut atorfeqarnerminnilu atugassarititaat annertuumik Kalaallit Nunaanni aalajangersimasumik sulisunit allaanerussuteqarpat?**
- d) Kalaallit Nunaanni peqqinnissaqarfimmi aalajangersimasumik atorfeqartut sulioriinnarnissaat atugarissaarnissaallu qanoq Naalakkersuisut qulakkeerniarpaat?**



(Inatsisartut ilaasortaq Paarma Lund Kreuzmann, Inuit Ataqatigiit)

Tungavilersuut:

Dronning Ingridip Napparsimavissuani asaasutut sulisut pillugit pissutsit inuinnaat nittartakkakut naapeqatigiittarfianni ilisimaneqalermat, suliaq aarleqquteqarnissamut pissutissaqalersitsivoq. Ingammik periutsip taassuma nalinginnaasunngortinneqarnissaa aarlerinarmat, siunissamilu Kalaallit Nunaanni piffinni allani pisortat suliffeqarfiini allani atorneqalerluni. Taamaammatt suliami pisut passussinerlu pillugit politikikkut nassuiaasoqarnissaa pisariaqartoq isumaqarpunga.

Taamattaaq inuinnaat nittartakkakut naapeqatigiittarfiini peqqinnissaqarfimmi aalajangersimasumik sulisunit ivertinneqarlutillu oqariartuutit arlallit takuneqarsinnaapput, taakkulu atorfinitsitsisartoqatigiinnik aaqqissuussinermik nutaamik aarleqquteqarneq oqaatigineqartarpoq, pilersaarullu malillugu tamanna ukioq manna septembarimi atuutilissaaq. Aarleqqutit ilaatigut suliakkersorneqarnermut, piffissami sivikitsumi taartaasunut ilinniartitsinernik kiisalu aningaasarsiani atorfinitsitaanermilu atugassarititaasuni assigiinngissutsit pineqarput.

Aalajangersimasumik atorfeqartut suliniut pillugu pingaarnerusumik nassuiaanneqartariaqartut, sulisullu annertunerusumik allannguutini namminneq sulineranni pissutsinut peqqinnissaqarfimmilu ulluinnarni sulinermut sunniuteqartussani akuutinneqartariaqartut isumaqarpunga.

Ullut suliffiusut qulit iluanni akineqarnissara kissaatigaara.